

# Kræftegalernermi





## Imarisai:

- 4 Eqqarsaatitit oqaasertalikkitt.
- 7 Taamatut tulleeriarineq eqqississutaalaarsinnaavoq.
- 7 Qasuerneq anguniaruk timit atorlugu.
- 9 Timip atornera – kræfteqalernermit aamma pingaaruteqarpoq.
- 9 Misissortinnissat nakorsartinnissallu tamakkiisumik paasiniakkitt.
- 10 Nappaateqatigisanik attaveqarneq



Una atuagassaq ilinnut nappaammik kræftimik eqqorneqarnermik tusarlerneqarsimasumut allataavoq. Pingaaruteqarpoq neriuuteqarnerup pigiinnarnissaa ilisimassallugulu qanoq iliortoqartuarsinnaasoq.

Uani atuarsinnaavatit iliuuserisassatut siunnersuutit assigiinngitsut paatsiveerunnermik misigisimalernermi ilinnut tamakkiisumik isiginilersitsisinnaasut.

Kræfteqarlutit tusarlerneqarsimaguit tassanngaanartumik annilaarsimaneq neriuutaarunnerlu misigisimasinnaavat qanorluunniit napaatip ajunngitsumik ingerlanissaa tusaraluarlugu.

Nakorsamik oqaloqateqarninni immaqa misigisimavutit qanoq oqartoqarneranik paasinnissinnaanak, misigisimasinnaallutillu soorlu alla pineqartoq.

Tassanngaannartumik annilaarnermik misigisimanissamut annilaanganermullu pissutissaqarluarpoq. Ukua tullinnguutut immaqa ilisarisinnaavatit:

- timivit inuunerpillu aqussinnaajunnaarneranik misigisimaneq
- qanoq ilimagisaqarsinnaanermik ilisimasaarunneq
- nakorsartinnernik nuanninngitsunik aqquusaagaqarsinnaaneq
- anniarnissamik ernumassuteqarneq
- nappaammik toqquteqarnissamik annilaanganeq
- ilaquttanik erloqilersitsinissamik ernumaneq
- suliffigisap ingerlateqqissinnaajunnaarnissaanik nalorninartorsiorneq
- inuit allat illit pillutit qanoq eqqarsarniissaannik ernumaneq

## Eqqarsaatitit oqaasertalikkitt

Tullerriiaarisinnaavutit nammineq oqaasertalersukkannik, suut annilaanngatiginerlugit, suut ernummatiginerlugit suullu paasissallugit kissaatiginerlugit.



## Taamatut tulleeiiaarineq eqqississutaalaarsinnaavoq

takuneqarsinnaangussaarlu suut pisariaqartikkikit suliareqqinnissaannut kisimiillutit, ilaquuttatit peqatigalugit, ikinngutitit imaluunniit immaqa peqqinnissaqarfimmi nappaatinik ilisimasalik peqatigalugu.

## Qasuerneq anguniaruk timit atorlugu

Kræfteqaleruit sorpassuit nutaat tassangaannaq qanoq pinissaanik eqqarsartariaqalissaatit, taamaammallu eqqarsaaterpassuit qasuersinnaajunnaartitsisut misigisimalersitsisinnaapput soorlu "illijunnaartutit".

Taama misigisimaleruit pitsaanerpaajuvoq timip atornissaa.

Timigissarneq timillu atornera tassaapput qasuersinnaajunnaarnermut nalinginnaasumillu eqqissisimajunnaarnermut kinguneqarluartumik iluaqutaasut. Timip aalatinnera, tillernerup annertusinera, kiagulerneq timillu tasitsaarnera misigilersitsisinnaapput "imminut angerlaqqinnermik".

Naligiinnermik misigilersitsisinnaavoq, nukissat nutaat pinngortarput immaqalu killiffinnut tamakkiisumik isiginnilersinnaanngoq-qittutut misigisimalerlutit.





## Timip atornera – kräfteqalernermi aamma pingaaruteqarpoq

Tamatta nalunnigilarput isumassarsiatsialaasoq timip atortuarnissaa, timigissarnissaq, timigissuunissallu anguniartuarnissaa. Kræftimik nappaateqaleruit immikkut pingaaruteqarpoq timigissarnissamik aallartitsinissaq imaluunniit timigissarnerup ingerlatiinnarnissaa timigissartartooreeruit.

Soorlu kemortinneq ingerlatarigukku timigissarnerup timit iluaqusersinnaavaa kemortinnerpit akunnerini ajunngisseqqinnissamut.

Meriangusaruit nerisassanillu illigisaqarnak timigissarnerup iluaqusersinnaavaatit nalinginnaasumik nererusussuseqalersillutit.

Pinngoritamiinnissamut periarfissaqaruit timigissarneq tamanna inuit ilaannut immikkut peqqinnartuusarpoq.

Timigissaataasinnaasut amerlasoorpassuupput ilinullu pitsaaneq nuannernerlu nassaarisinnaavat.

## Misissortinnissat nakorsartinnissallu tamakkiisumik paasiniakkit

Immaqa nappaativit qanoq nakorsarneqarnissaanik ilisimasaqarnissat pisariaqartilluinnarpat.

Napparsimavimmiit pilersaarummik takussaasumik tunineqaruit sorlernik misissortissanersutit qanorlu nakorsarneqarsanersutit, taava inuuninni sammiviup allanngorluinnarnerani piffissaq aggersoq ilusilerneqassaaq.

Imaassinnaavoq misissortinnissannut nakorsartinnissannullu pilersaarut allanngorartinneqaannavissasoq, pilersaarummimi pisussamut tullermut kingullermik misissortinnermi paasisat aallaaviulluinnartarmata.

Tamatigulli kissaatigisinnaavat ilinnut pilersaarutit maannamut qanoq isikkoqarsinnaanerannik allattuiffimmik. Nalinginnaasumik ingerlaavartumik ingerlatsisoqarnerani peqqissaasut tunissavaatsit aggeqqinnissannut allagartamik misissortiffissavit nakorsartiffissavillu piffissalersorlugit allatorsimaffiannik. Aggeqqinnissanni allagartami paasinngisaqaruit aperigit.

## Nappaateqatigisanik attaveqarneq

Ilaatigut oqiliiallaataasarpoq ilisimagaanni inuit allat assinganik nalaataqartut.

Misigissutsinik ernumassutinillu ilaquuttannut oqaatigerusunngisanik oqaatigisinnaanngisannillu misigissutsinik ulikkaaqqallutit misigisimasinnaavutit. Immaqa misigisimavutit oqaluussavit misigissutisit tamakkiisumik paasisinnaanngikkai.

Pitsaasuusinnaavoq inuit allat assinganik nalaataqartut attaviginiar-nissaat. Ilinnulli aporfittut qaangerniagassatut misigisimanarsinnaavoq, allanik kræfteqartunik naapitsinissaq, illit imminut isigerusunnginnavit kræfteqartutut.

Amerlappullu aatsaat inuit allat assinganik nappaatillit naapinnerisigut pisariaqartitaminnik ikiorneqarlutik oqaluttuurtut.

Pitsaasuuvoq nakorsartinnissamut pilersaarummik pereernermit allanik attaveqarneq pippat. Siullermik pissutigaa nutaajusumik inis-sisimanermi nukiiit annertungaatsiartut atorneqartariaqarmata aam-malu allat qanoq nakorsarneqarnissaannik pilersaaruteqarnerannillu tusarfiginissaat paatsiveerunnarsinnaammat nammineq nakorsar-neqarnissamut pilersaarut tusareersimannngikkaanni.



Saqqummersitsisoq:

Neriuffit Katuffiat - 2009 Ilusaa siulleq, naqitenera siulleq

Ilusilersuisoq: inuk Media ApS · Assit © inuk Media ApS

Quppersakkamit uuminnga nutsigaq: 'Når du selv får kræft'

Nutserisoq: Johanne Olsen



**Neriuffiit Kattuffiat**  
Postboks 1546,  
Aqqusinersuaq 48 A,  
3900 Nuuk  
[neriuffik@greenet.gl](mailto:neriuffik@greenet.gl)  
[www.neriuffik.gl](http://www.neriuffik.gl)

